

嘉慶瓜洲志卷五

人物

唐王播字明敷其先太原人父恕爲揚州倉漕參軍遂家江都之瓜洲貞元中播舉賢良方正異等補整屋尉歷遷京兆尹時禁屯屬鞬佩劍姦人冒之剽劫又貴戚家馳獵近郊爲民害播一切禁止盜無所匿憲宗以爲能進刑部侍郎領諸道鹽鐵轉運使時帝討淮西播褻財用給軍興無乏超擢禮部尚書長慶初出爲淮南節度使仍領使職浚十里港舊唐書以便漕民賴其利太和九年入朝拜左僕射累封太原郡

嘉慶瓜洲志

卷五

人物

于氏凝暉堂重印
中華書局承印

公贈太尉謚曰敬

王起字舉之播弟貞元中擢進士與播並舉賢良方正異等元和末累遷中書舍人數上疏規諫穆宗畋遊拜禮部侍郎宣武押牙李齊叛起與播俱上疏請詔王智興討之卒定其亂以戶部尚書判度支靈武邠寧多曠土奏爲營田以省餽輓歷河中制節度使方蝗旱粟價騰踊起下令家得儲三十斛斤其餘以市否者死神策士怙勢不從實於法由是齎積咸出民賴以生授檢校尚書右僕射爲山南東道節度使濱漢多塘堰聯屬民弗完治起至部修覆遂無凶年會

昌中命典貢舉進尚書左僕射封魏國公凡四舉士多知名人服其鑒卒年八十八贈太尉謚文懿起性友悌居播喪哀戚加於人尤嗜學非寢食不輟廢明趙鶴字叔鳴瓜洲人宏治丙辰進士授戶部主事爲尚書侶鍾所知壬戌天下大侵鶴代草上寬恤事宜詔文武大臣會議蠲諸不急著爲例陞本部郎中督永平山海薊州糧草兼視屯田條上邊場急務十六事又以征收豆草積久腐敗奏請折價貯庫臨時和糴以給軍需其古北口等倉儲不足以供遊兵請更番操練有警調發自是邊儲賴焉正德初陞建昌知

府益府軍校有恣橫虐民者捕置之法所部肅然闡瑾以規賂不得搜薊州耗糧事左遷南安同知尋擢金華知府在郡疏請廣折徵寬加派備積貯禁溺女諸事錄東萊北山魯齋仁山白雲五先生遺書爲正學編集范香溪以下諸家爲金華文統集劉孝標駱賓王舒元興及近世四十餘人爲文統拾遺表范文簡潘默存之里皆正俗誠民之要擢山東提學副使或以其約士過嚴爲蜚語謗之卽上疏乞致仕歸築精舍江滸日夕嘯詠其中嘗編維揚郡乘正要八十八卷著具區文集二卷文山寓揚忠憤錄並行於世

國朝王光魯字漢恭瓜洲諸生潛心績學屏跡東寺樓
去其梯期以三年盡讀古人書閱二載以母病歸侍
養光魯學窮本源東南名輩皆推仰之王鳳洲綱鑑
輿圖志光魯所輯也閱史約書十五卷最爲世所珍
重著碧漸堂集

蔣垣字次斗瓜洲人歲貢生順治二年大兵至瓜洲人
皆避去垣方十一歲父母俱臥病屬族人携垣去垣
呱呱親側日侍湯藥不忍離兵見而憐之全其家既
長讀書敦行以儒學擅名一時遊其門者多致通顯
子承慶歲貢生

魏都字虞城歲貢生瓜洲人順治己亥海寇猝至都適
送母避湖中父尚在城內都聞急徒跣奔百餘里雜
負擔者入城負父出母病隔不能食都侍榻前每日
亦止啜粥一盂執親喪毀幾滅性事兄極恭恂恂退
讓未嘗有言色之競能濟人危急周族姪之嫠婦俾
得終其節所著晚香閣集子嘉琬孫元嶠皆舉於鄉
閔仲文瓜洲諸生家故貧積學力行尚義氣雅不問生
產順治己亥寇犯瓜洲仲文居圍城中倡義固守及
城陷寇執之不屈以刃畫其面傷吻仲文投井死熊
維熊詩云閔子負時望爲吾忘年交文章宗秦漢琢

句追風騷邑志作文仲誤

熊敏慧字穎生號遲度瓜洲人順治乙酉舉於鄉掩關靜坐潛心性命之學嘗教諸子曰士人讀聖賢書一遇其阨輒易其守所學何事終日守一篇布袍蔬食恬如也工古文詩歌旁及書畫晚年居宜興張渚怡情山水以終著有汲泠堂集子維熊另有傳

張標字玉立瓜洲人順治壬辰進士授工部主事權南新龍江二閘俱有廉能聲晉郎中歸標爲文根柢六經鎔錘子史沉浸醲郁含英咀華論者謂壬辰榜中標與李來泰戚藩唐祖亮相伯仲焉乾隆間劉文清

嘉慶瓜洲志

卷五

人物

四

壩督學江蘇其曾孫某應童子試劉求其遺文僅得六十四篇呈之遂入邑庠著有農丹秋實堂文集高凌雲字尺木瓜洲人後遷入郡少補諸生甚貧假館授徒越日歸省其家必從籬外聽聲息然後入恐妻子之饑且斃也後窮益甚處之泊如益攻苦登順治戊戌進士授嚴州府推官折獄平恕人稱長者旋告歸閉門讀書樂與後進講習決科驗如筮卜士林咸推服焉子天驥康熙辛酉舉人官山陰知縣

蔣易字前民瓜洲人父叔一有高行易少補諸生卽棄去家故饒有洲田數十頃坍於江遂致窮餓恬如也

爲詩不取時好五言律尤勁健得少陵風格與王于一猷定杜黃岡濬蔡甘泉塋等齊名濬歿藁葬於白門淺土易與陳恪勤公鵬年蔡塋葬之太平門外晚年無子家益窮賣畫自給人得其寫生一二筆爭寶焉有石閭集

熊維熊字偉男敏慧子康熙壬戌歲貢博聞強記爲文能撫筆尋根嘗於一歲中七試居第一王士正司理揚州特置國士之目工詩古文詞畫亦得董巨遺意好表揚節烈著瓜渚貞烈志不愧史筆生平篤於孝友言規行矩鄉里奉爲有道君子舉賓筵辭不赴著

嘉慶瓜洲志

卷五

人物

五

有綠雪軒初集二集詩

李堅字不磷瓜洲人勤學躬行落落有遠懷松江倪匡世稱爲伊婁名宿與熊維熊友善詩無刻集

張煦齋瓜洲布衣負性恬淡不善謀生蕭然一室惟殘書斷簡他無有也日事觴詠時輩咸以詩人重之後客居真州卞履文家

張秉乾字大赤雍正丙 順天舉人初任鐵嶺知縣後擢河南信陽州同知生平篤於孝友嘗憐族人有不能婚嫁葬埋者乃捐資置田三百餘畝以贍之時稱長者

張昌裕字 乾隆辛酉舉人初任陝西清水知縣旋陞靜寧州時州大荒啼饑號寒聲遍四野裕乃先發倉廩賑濟後始申報上游以爲有才略又復捐月俸五千金賑粥以全一州題陞知府未赴任而卒時論惜之

張銳青瓜洲貢生標裔孫秉性至孝時母抱病醫不能愈銳青焚香祝天願以身代遂割左臂肉煎藥母服之立痊

焦琢先諸生生性愷惻仁慈里中有婚葬不能自給者皆勉力周恤之家貧子弟無力讀書聞之必助修脯

一時賴以成就者甚衆晚年業式微而樂善好施至典衣傾產不倦真一鄉善士也

熊得中字 國學生父母迭亡得中哀泣流血路人感動雖當天氣寒苦身衣麻服不着綿絮廬墓三年風雨不稍間郡守高公聞之旌以純孝匾額卒年八十三無嗣

朱長年字奇鶴號松厓乾隆丙子舉人儀徵籍少負隼才遊庠後試必冠軍二十一年瓜邑災荒江防王公聘請設立粥廠勸捐棺木經營籌畫洲人賴以全活復議設育嬰堂以收嬰孩至今被其澤及捷鄉闡巡

撫莊公有恭聞之嘆曰天之報施善人信不誣也
王秉謙字以牧瓜洲人諸生嘗與同學熊廷椿張階升
朱長年捐立書舍延請老宿訓誨貧家子弟並助衣
履書籍一時洲人咸知禮讓涵淑薰陶成就不少今
河西伏魔廟卽書舍舊址也

張 瓜洲東門人營卒也卒年百有三歲勅建坊聞
百歲時強步健飯如四五十許人時目爲行地神仙
卞嘉棠字爾靖深港施家橋人性端慤寡言笑齒高一
族每朔望肅衣冠集族人詢問課業勸勉孝弟雖盛
暑未嘗裸袒構宗祠以祀先建橋梁以利涉敦行好

善鄉人表率年九十五無疾而逝郡人汪兆宏爲之
傳

季永鈇字子席號惕齋江都瓜洲人諸生幼負雋才與
宋旣庭張天紀熊以介倪永清爲吟侶永清嘗過瓜
渚與即席限韻揮毫立就嘆其高脫雄渾足以壓倒
恆流

魏京字尹宏號松岑江都瓜洲人諸生京先世自鉅鹿
移居渚上代有偉人京資性挺拔十歲工文章郝中
丞目爲開府參軍之流李廣庵郡侯贈詩有黃初體
重振才名句爲時重如此著奚囊偶存集邗江近詠

鶴和堂詩鈔子嘉瑄詩飄逸瀏亮在輞水襄陽之間
著飛雲閣集

魏覃字懷人瓜洲人諸生覃生而穎異工詩文京口姜
山公見其白雁詩愛之妻以女女夙稱才媛唱和如
良友未幾卒覃性不諧俗自顏其閣曰藏鋒取大易
括囊之意歿後同里張天紀輯其詩刻之名藏鋒閣
集

夏誠善字元長號鐵庵瓜洲人誠善襟抱超曠家伊婁
河側築樓數楹面江背郭與二三素心以賦詩鬥酒
自娛蔣易贈詩云司馬承貞後論詩復幾人蓋謂作

詩如誠善方可把臂入林耳著清味無能閣集

熊壽眉字以介號梅笑江都瓜洲人遲度孫諸生壽眉
淵源家學未弱冠卽受知於田公綸霞工書善畫詩
綽具才致因瓜洲有江徙之虞卜阡改葬其先世並
昇通族之柩祔焉時稱其仁孝著雕蟲集茶坡亭集
殷礎字雨蒼號荆石瓜洲人父瑞五明經任義好俠當
世識與不識皆慕其人礎體父志慷慨立名節與熊
偉男輩相切劘詩古文詞卓然入古人堂奧松江倪
永清稱其不肯妄交一人不屑向人輕道隻字蓋振
奇士也著三山游草吳門紀行當恕吟些餘草總彙

爲石渠詩刪

李勉字嘯村蕪湖人布衣詩宗晚唐尤工七絕沈文愨德潛重之謂爲神品中年僑居渚上貧不能自活女適渚之某氏墓在西門外

王文治字禹卿嘗夢樓居因號曰夢樓晚信釋氏說又號無餘居士丹徒人弱冠有書名幼隨冊封使往琉球歸文名著天下詩以大厯爲宗晚年書益工與劉文清墉梁學士同書鐵尚書保稱劉梁王鐵時又與梁文定國治梁同書梁孝廉巘曰天下三梁不及丹徒一王愛翠屏州江山林木之勝築雲起樓嘯詠自

娛有天際真人之目著夢樓詩集

張文悌字景賢號思翁瓜洲翠屏洲老樹灘人監生性孝友好義誠樸不苟言笑獨力建祠與洲之耆民陳理問文忠朱上舍琦蔣上舍堂趙上舍天秩徐上舍先榮卞上舍鐵山王上舍文仁倡設施棺掩骼贈恤孤寡諸義舉建立同善堂爲飲射讀法之所汪公志伊撫吳旌以敦行厚俗匾額卒年八十三未卒前數日告親串曰某日吾將舍諸君逝矣子士銳能守其教

卞鐵山字耕崖瓜洲翠屏洲人性天真摯尤習小學訓

子萃文以宋儒實學名晚年樂善不倦不與人事嘗慨然曰習俗安能返淳朴耶萃文先後居父母喪五年不茹葷不入內寢與人言未嘗有笑容時稱篤孝曹鳳儀字翠屏洲人監生性謹篤誠恪具長者度結髮卽慕善行語友曰吾於衣服酒食一錢不忍浪使也有利於人之事則勉力爲之父病篤醫罔效與妻氏嘗三割股以愈疾時稱其孝

孔傳楹字瓜洲人由賢良方正官江防同知好賢下士與洲之雋秀聯月課之約捐廉獎勵一時文教稱極盛又請撥匣費每年一千三百金又置田八百

畝以充育嬰堂經費民被其澤至今思之不衰

周瓜洲人江口水涸每苦泥濘不便行旅爲設長板直達舟次又渡船遇大風多覆溺之患與丹徒鄒觀察特創入槳船以濟人一時頌之

江都郭山題進士官粵中聞母喪蓬跣星歸哀感行路抵廬前一夕舟次瓜洲爲文以祭母文成發聲大慟嘔血如湧而卒山題父士璋亦孝子也見馮晝錦堂偶筆

魏嘉琬字篁中都子康熙丙子舉人與弟嘉瑛字蒼水並擅文譽尤工制藝執友王仲儒稱其精思毅力如

入百萬人中斬將搃旗摧堅陷銳宋犖撫吳尤器重之其詩幽渺而峭厲深情別解往往入勝蓋其讀書臨文必用裂犀分象之力故無一字可下也卒年三十三宜興儲欣德州孫勳爲序其文集長州何焯序其咀蔗軒詩比之唐李賀云又著宛溪集仲儒序之杜濬字于皇號西止晚號茶村老人黃岡人明副貢生授司李未赴年二十餘避地僑居江甯築饑鳳軒於雞鳴山下好立名節性簡傲不可一世多與俗忤詩宗杜甫不染楚風卓然大家嘗詠東坡詩二十字見賞於龔端毅又賦秦淮燈船曲爲時所嘆服濬與蔣

易爲布衣交時來渚上易館之石閭書屋談藝賡詩最密濬嘗云余無衣惟易能衣我無食惟易能食我濬名滿天下而衣食之者獨有一周易亦窮士也兩人品誼益足覘矣著饑鳳軒詩變雅堂文集遺民集稱其客死廣陵燕子磯之東麓蔡垞香草堂集有與蔣易陳鵬年會葬杜于皇於太平門詩

王元臣字漢標號鐵夫由丹徒白沙遷翠屏洲種竹里監生慷慨有至性年十三念父聚明衰年客泗上辭母往省勸歸里時稱小孝子乾隆二十一年大饑出米濟貧所活甚多他如修橋施棺椁恤孤寡里有義

舉知無弗爲又稔營馬踐禾苗及落地稅之害力請於當事除之一洲受其利瓜洲彤雲閣爲名流嘯吟之地將圯矣獨力修之事載府志洲人爲立木主祀之閣上子文仁字安福能體父志倡率鄉耆建同善堂於虹橋鎮汪公志伊撫吳特旌積善餘慶匾額阮宮保元重其行求其次女爲弟婦秦司寇瀛贈以地擅江山華髮健家傳圖史素風存之句旣歿秦太史恩復汪舍人喜孫焦孝廉循江上舍藩聯銜請於有司奉祀邗陽書院文仁築種竹軒貯書數萬卷教子豫以文章鳴海內碩士鉅公咸樂交之豫著種竹軒

詩文各集載揚州府志藝文志

卞履文字坦叔家翠屏洲餘溪之側其兄萃文號之曰餘溪幼慧工詩嘗讀夏完淳詩嘆曰完淳卒年十六文章氣節已足光表奕禩人苟沒世無稱卽壽希彭祖猶天耳履文卒年十七人以爲讖云王豫取其遺詩刻之名釣溪集載揚州府志藝文志

常心池字 敦品植行精岐黃術時治小兒尤著奇效又倡惜字掩骼諸善舉建塔於江上兼工詩文著敬堂纂輯醫書旣歿閭綦園觀察以誰與保赤旌之時有張階升者亦精小兒科

徐復先號 精外症凡跌打損壞他醫不能治者以
手摩撫湊拍能使斷骨復連痛處立愈其效如神世
稱徐接骨孫厚軒能世其業

慧超號練塘泰州人性天孤潔工詩高旻寺主僧重其
行留住萸灣精舍與王文治洪稚存爲詩友畜一病
鶴苦吟之聲嘗與鶴唳相和洪有懶僧病鶴之句王
豫取其檀旃閣集與萬壽寺僧悟霈焦山僧清恆詩
合刻之名三上人集

輔誠字玉川瓜洲某氏子報本庵僧築雲來閣日與素
心課詩畫於上無不二門習氣丹徒張山人曾負才

傲物獨與之游比以鳥佛且謂其善幻多技人莫能
究其所造嘗製渚上十景詩傳於世

無垢失其俗家名從容庵僧飲酒而好易蓄鬚工狂笑
不與流俗侶與魏嘉琬友善識者謂爲前之隱君子
也魏病止庵中感示詩云欹落數椽支遁舍息機今
日愛身閒座中海水喧無定柳外鐘聲度正還如此
江山纔握琰幾多歌哭已酡顏何年得乞南禪地折
荻師應念此頑惜無垢詩不得見也

達澄字如鑑號古光上元人澄幼參高旻昭月得臨濟
肋下還拳之旨後主高旻二十餘年宗風大振兼工

詩王司寇昶太守文治極欣賞之嘗問詩學於王山人豫爲采入江蘇詩徵云

妙信字山愚號詩禪瓜洲僧受金山了悟之教住持渚上古刹與韻士隼流相唱和倪永清比之遠公蓮社著懷柏堂集詩清韶沈着在皎然靈一之間

行宏字四不號介山四川李氏子得法破山之門後住瓜洲總持庵工詩多逸調送希公云我懷無可贈只有半山雲今猶誦之同時有宗智者字圓明號竹溪江都蔡氏子住瓜洲聞思庵宗智性天高曠偕魏懷人嚴勉斯徐楚濤周天池夏靖九殷雨蒼輩終日手

談一語不及塵務與行宏並高僧也著坐花詩三集秉正字止一號止庵丹徒楊氏子住瓜洲之青蓮庵秉正工書法有龍蛇飛動之勢酷肖米顛俗人乞一字不得也兼善韻語與竹溪爲物外交著秋窗偶稿袁道人康熙時人瓜洲城守營卒不苟葷好誦經及修養術一日守戎操練道人未赴守戎遣人繫至將加罪道人曰今日兵將回首乞稍寬恕並求木柴二十石從之卽以木柴加左右道人鼻端出火自化觀者如堵時稱鐵道人

錢三昧崇正時洲人不常言笑踪跡殊於常人一日往

華山未到前一夕華山長老顧謂衆僧曰白蓮花開
否衆曰冬日蓮豈能作花乎長老曰要看白蓮開除
非三昧來已而三昧果至而盆蓮一枝娟然吐艷遂
授三昧衣鉢後無疾端坐而逝